

কাসাড

সুন্দরবন : তৎপর
২৮ দস্যু বাহিনী

তসলিমা নাসরিনের
আত্মজীবনী ২২

পুঁজিবাজার কে বাঁচাবে?

সাক্ষাৎকার
বিচারপতি গোলাম রাব্বানী
ড. হামিদা হোসেন

৮ মার্চ
দিবস-বাণিজ্য
নারীরা ভালো নেই!





‘মেয়েদের নির্যাতনের কেসগুলো কোনো না কোনোভাবে ডিঅ্যাকটিভেট হয়ে যায়’

ড. হামিদা হোসেন

আন্তর্জাতিক মানবাধিকারকর্মী হিসেবে ড. হামিদা হোসেনের সুখ্যাতি রয়েছে। নারী অধিকার তার কাজের অন্যতম জায়গা। আইন ও সালিশ কেন্দ্রেরও চেয়ারম্যান তিনি।

নির্যাতিত নারীদের আত্ননাদ যেখানে, তিনি ছুটে যান সেখানেই। দেশের বর্তমান মানবাধিকার, নারী অধিকার, নারী নির্যাতন, প্রচলিত বিচারব্যবস্থা-অনেক প্রসঙ্গেই কথা বলেছেন তিনি। সাক্ষাৎকার নিয়েছেন শরিফুল ইসলাম পলাশ ও আমান আবদুল্লাহ

কাগজ : বর্তমানে নারী নির্যাতনের সামগ্রিক রূপটা আসলে কী?

হামিদা হোসেন : নারী নির্যাতন তো আসলে আলাদা করে কিছু দেখা যায় না। এটা নির্ভর করে নারী-পুরুষের সম্পর্কের ওপর। এটা আসলে ব্যক্তিকেন্দ্রিক কোনো বিষয় নয়। এখানেও সিস্টেমটিক একটা ব্যাপার রয়েছে। যেটাকে আমরা বলি পিতৃতান্ত্রিকতা। এর ফলে বহুদিন ধরে একটা চর্চা চলে আসছে যে, পুরুষেরাই সর্বসর্বা। নারীরা এটা করতে পারবে না, ওটা করতে পারবে না, বাড়ির বাইরে যাবে না, কাজ করবে না। এ জন্যই পুরুষকে একটা বাড়ির বড় কর্তা মনে করা হয়। তবে



কিন্তু পারিবারিকভাবেই মেয়েদের লেখাপড়া করানো হচ্ছে, কিন্তু একটা গঞ্জির মধ্যে রেখে। সব সময় একটা নির্দিষ্ট সীমার মধ্যে রাখা হচ্ছে। পরিবার চাচ্ছে যে তারা কাজ করে যা উপার্জন করবে, তা যেন তাদের কাছে আসে। তারাই ডিসাইড করবে, মেয়েদের কখন বিয়ে হবে, কার সঙ্গে হবে। এ ধারাটা পরিবার এখনো ছাড়তে পারছে না। এ ছাড়া আমাদের উপমহাদেশে সহিষ্ণুতার অভাব রয়েছে। ইকোনমি একটা ফ্যাক্টর। বিশেষ করে গ্রামাঞ্চলে শ্রমের মূল্য কমে গেছে, ফলে দারিদ্র্য বেড়ে গেছে। অনেক ছেলেরা তখন মনে করছে যে বিয়ের মাধ্যমে

যে, একটা ছেলে এটা কেন করছে? আমার মনে হয় এখানেও পুরুষতান্ত্রিকতার বিষয় চলে আসে। আমার যা ইচ্ছা আমি তা-ই করব, কে কী বলবে? অনেক ছেলে তো আজকাল পড়াশোনা করছে না। তারা স্কুলের বাইরে দাঁড়িয়ে থেকে এসব হয়রানি করছে। আমার যেটা মনে হয়, মেয়েরা কিন্তু অনেক ক্ষেত্রে ছেলেদের চেয়ে বেশি সুযোগ পাচ্ছে। তারা ফ্রি পড়াশোনা করতে পারছে, কাজের ক্ষেত্রে সমান সুযোগ পাচ্ছে। গার্মেন্টসে বেশি সুযোগ পাচ্ছে। কিন্তু ছেলেরা এসব সুযোগ পাচ্ছে না। সে ক্ষেত্রে মনে হয় ছেলেরা হিংসাত্মক হয়ে এসব নির্যাতন করছে।

পুরুষেরা ভাবছে, তাদের হাত থেকে কর্তৃত্ব চলে যাচ্ছে। এর ফলে তারা আরও বেশি হিংসাপরায়ণ হয়ে নারীদের ওপর নির্যাতন চালাচ্ছে। এখন কিন্তু পারিবারিকভাবেই মেয়েদের লেখাপড়া করানো হচ্ছে, কিন্তু একটা গঞ্জির মধ্যে রেখে। সব সময় একটা নির্দিষ্ট সীমার মধ্যে রাখা হচ্ছে। পরিবার চাচ্ছে যে তারা কাজ করে যা উপার্জন করবে, তা যেন তাদের কাছে আসে। তারাই ডিসাইড করবে, মেয়েদের কখন বিয়ে হবে, কার সঙ্গে হবে। এ ধারাটা পরিবার এখনো ছাড়তে পারছে না। এ ছাড়া আমাদের উপমহাদেশে সহিষ্ণুতার অভাব রয়েছে

বর্তমানে এ অবস্থার অনেক পরিবর্তন হয়েছে। নারীরা কিন্তু অনেক ক্ষেত্রে পুরুষদেরও ছাড়িয়েছে। নারীরা আয় করছে, মতামত প্রদান করছে। এমনকি কোনো কোনো ক্ষেত্রে সিদ্ধান্ত গ্রহণকে প্রভাবিত করছে। পরিবর্তনের এ সময়টাকে একটা ট্রানজেকশন পিরিয়ড বলা যেতে পারে। নারীরা এখন ভাবতে শিখেছে, তারা বলতে শিখেছে যে, আমি কীভাবে থাকতে চাই, সেটা আমার ব্যাপার। অন্যরা কেন এখানে নাক গলাবে। এখানেই কিন্তু পুরুষদের সঙ্গে দ্বন্দ্ব। পুরুষেরা ভাবছে, তাদের হাত থেকে কর্তৃত্ব চলে যাচ্ছে। এর ফলে তারা আরও বেশি হিংসাপরায়ণ হয়ে নারীদের ওপর নির্যাতন চালাচ্ছে। এখন

তারা কিছু আয় করবে। তারা কিছু ক্যাপিটাল জমা করবে। সামাজিক অনেক কারণও রয়েছে। আগে থেকে চলে আসা একটা ধারণা এখনো রয়ে গেছে যে মেয়েদের বিয়ে দিতে হবে আগে। এ জন্য পরিবারও চিন্তা করে যে ঠিক আছে এমনিতে তো বিয়ে হবে না, যৌতুক দিয়েই তাড়াতাড়ি বিয়ে দিতে হবে। এটাও কিন্তু নারী নির্যাতনের একটা রূপ।

রাজনৈতিক কারণটা হচ্ছে পলিটিক্যাল ইমস্ট্যাবিলিটি। অনেক ক্ষেত্রে মেয়েরা যৌন হয়রানির শিকার হচ্ছে। শধু ইউনিভার্সিটি পড়ুয়ারা না, স্কুলপড়ুয়া মেয়েদেরও কিন্তু আজকাল যৌন হয়রানির শিকার হতে হচ্ছে। এখন কথা হলো

কাগজ : কর্মস্থলে কিংবা শিক্ষাঙ্গনে কি নারীরা নিরাপদ?

হামিদা হোসেন : না, নিরাপত্তা আসলে ওইভাবে কোথাও নেই। নারীরা এসব ক্ষেত্রেও নির্যাতিত হচ্ছে। তারা সামাজিক সাপোর্ট পাচ্ছে না। সব সময় দোষ তাদের ওপরে চাপানোর চেষ্টা করা হচ্ছে। তারা পুলিশের কাছে গিয়েও সেভাবে নালিশ দিতে পারছে না। তাদেরকে বারবার বলা হয় তোমরা কী করেছিলে? কীভাবে কাপড় পরেছিলে, আগে থেকেই ছেলের সঙ্গে সম্পর্ক ছিল কি না। নানাভাবে হ্যারাজমেন্টটা আরও বাড়ছে। যখন পদক্ষেপ নেওয়া হয় না তখন কিন্তু সে সব লোক আরও সাহস পেয়ে যায়। আমরা তো এখন অহরহ

পত্রপত্রিকায় দেখি এসব ঘটনা। রেপ হচ্ছে, খুন হচ্ছে, যৌন হয়রানি হচ্ছে কিন্তু সেগুলোর বিচার হচ্ছে না। তাই এ জাতীয় ঘটনা কমছে না। আর নারীরাও কোথাও সিকিউর ফিল করছে না।

কাগজ : আমরা যেটা দেখি যে একটা ঘটনা ঘটলে সেটা নিয়ে কিছুদিন খুব আলোচনা হয় কিন্তু একটা সময় পর দেখা যায়, প্রকৃত অপরাধীরা পার পেয়ে যায়, এটা আসলে কেন হয়?

হামিদা হোসেন : ধরুন, ছোট একটা বাচ্চা কোনো বাড়িতে গৃহপরিচারিকার কাজ করছে। তখন সে বাচ্চার যদি কোনো কিছু হয়ে যায় তখন প্রতিবেশী অথবা মানবাধিকার সংস্থাগুলো সোচ্চার

আসলে দুর্বল। বিশেষ করে আমাদের জাস্টিস সিস্টেমগুলো অনেক বেশি দুর্বল। অনেক সময় দেখা যাচ্ছে যে পুলিশ ঠিকভাবে ইনভেস্টিগেশন করছে না। যেমন ধরুন সীমার ঘটনাটা। জজ সাহেব তো বলেই দিলেন, ইনভেস্টিগেশন ঠিক ছিল না, সাক্ষী ঠিক ছিল না। শেষ পর্যন্ত পলিটিক্যালি মামলাটা এক্সপোজ হয়ে গেল। তাদেরকে আসলে পুরোপুরি রেহাই না দিয়ে বরং জাজ কিন্তু বলতে পারতেন, পুনরায় সেটা ইনকোয়ারি হোক। আমাদের জুডিশিয়াল সিস্টেমটা আসলে খুব উইক। মেয়েদের নির্যাতনের কেসগুলো কিন্তু কোনো না কোনোভাবে

সে পরিবারকে বহন করতে হয় এবং শেষ পর্যন্ত তারা হাল ছেড়ে দেয়। এ ক্ষেত্রে আসলে করণীয় কী হতে পারে? হামিদা হোসেন : বিশেষ করে ফতোয়া দেওয়ার কারণে যে কেসগুলো হয়, সেগুলোর ক্ষেত্রে এটা বেশি হয়। এখন তো আমরা জাজমেন্ট একটা পেয়েছি যে, এটা বেআইনি। কিন্তু তার পরও তো রিসেন্টলি কয়েক জায়গা থেকে শোনা গেল। সমস্যাটা হচ্ছে, এটা আমাদের সমাজের ভেতরে অনেক গভীরে ঢুকে গেছে। যেমন-একজন ইমাম যদি কিছু বলেন, আমরা চুপ করে থাকি। আমরা ছোটবেলা থেকেই তো শিখে আসছি যে বড়দের সামনে কিছু বলব না, টিচারের



বিশেষ করে ফতোয়া দেওয়ার কারণে যে কেসগুলো হয়, সেগুলোর ক্ষেত্রে এটা বেশি হয়। এখন তো আমরা জাজমেন্ট একটা পেয়েছি যে, এটা বেআইনি। কিন্তু তার পরও তো রিসেন্টলি কয়েক জায়গা থেকে শোনা গেল। সমস্যাটা হচ্ছে, এটা আমাদের সমাজের ভেতরে অনেক গভীরে ঢুকে গেছে। যেমন-একজন ইমাম যদি কিছু বলেন, আমরা চুপ করে থাকি। আমরা ছোটবেলা থেকেই তো শিখে আসছি যে বড়দের সামনে কিছু বলব না, টিচারের সামনে কিছু বলব না। শুধু শুনব। এটা আমাদের রক্তের মধ্যে ঢুকে গেছে

হয়। কিন্তু পরবর্তীকালে সে মালিক আর পুলিশের মধ্যে একটা সমঝোতা হয়। পুলিশও মনে করে, ছোট একটা বাচ্চার কারণে তথাকথিত 'ভদ্রলোকের' জীবন নষ্ট করার কী দরকার। এসব কারণেই অনেক নির্যাতনের ঘটনা আসলে ধামাচাপা পড়ে যায়। আর নারী নির্যাতনের ব্যাপারটাও অনেকটা একই রকম। অবশ্য আমরা কিন্তু অনেক ক্ষেত্রে সফল। যেমন-ইয়াসমিনের ঘটনাটা বলা যেতে পারে। আমরা আইন ও সালিশ কেন্দ্র সব সময় ইনভলভ ছিলাম। ব্যারিস্টার আমীর-উল ইসলাম সেখানে গিয়েছিলেন। তিনি মামলা পরিচালনা করেছিলেন। শেষ পর্যন্ত কিন্তু চারজন পুলিশকেও আসামি করা হয়েছিল। সত্যি বলতে কি, আমাদের সিস্টেমগুলো

ডিঅ্যাকটিভেট হয়ে যায়। তবে সামাজিক সাপোর্ট কিন্তু বড় একটা ব্যাপার। যেমন, একটা মেয়ে রেপ হয়েছে, সে ক্ষেত্রে তার একার পক্ষে কিন্তু কোনোভাবেই মামলা-মোকদ্দমা করা সম্ভব হয় না। সে ক্ষেত্রে একটা সামাজিক কিংবা পারিপার্শ্বিক সাপোর্ট প্রয়োজন। ধরুন, জাহাঙ্গীরনগর বিশ্ববিদ্যালয়ে কদিন আগে যে যৌন হয়রানির ঘটনা ঘটেছে, সেখানে কিন্তু ছাত্রছাত্রীরা সোচ্চার হয়ে উঠেছিল। বাইরে নারী সংগঠনগুলোও ব্যাপক ভূমিকা রেখেছিল।

কাগজ : প্রায় সব ক্ষেত্রেই দেখা যাচ্ছে, একটা নির্দিষ্ট সময় পর্যন্ত কোনো ব্যক্তি বা প্রতিষ্ঠান নির্যাতিতদের পাশে থাকে, পরবর্তী সময়গুলোতে এর পুরো দায়ভার

সামনে কিছু বলব না। শুধু শুনব। এটা আমাদের রক্তের মধ্যে ঢুকে গেছে। যার জন্য আমরা পলিটিক্যালি কাউকে চার্জ করতে পারি না। একজন নেতা বলে গেল, আমরা শুনে গেলাম। আমার মনে হয়, এ ক্ষেত্রে আমরা অনেকেই ব্যাপারগুলোকে এড়িয়ে যাওয়ার চেষ্টা করি। আমরা ভাবি, এগুলো তো আমার সঙ্গে ঘটছে না, আমার আসলে এখানে বেশি কিছু করার নেই। আমি কিছু সময় সঙ্গে ছিলাম, এই তো অনেক। এখন যারটা সে সামলাক। এ জন্যই আসলে শেষ পর্যন্ত অনেকেই সরে যায়।

কাগজ : নারী নির্যাতন মামলাগুলো কি বিশেষ কোনো উপায়ে তদন্ত করে নিষ্পত্তি করা প্রয়োজন? কারণ, আপনি বলছিলেন যে পুলিশ অনেকের স্বার্থে

মামলা ভিন্ন খাতে প্রবাহিত করে...

হামিদা হোসেন : এটা তো আসলে রাষ্ট্রের ব্যর্থতা। রাষ্ট্র কেন পুলিশকে সঠিক পথে আনতে পারছে না? পুলিশ বারবার ভুল করবে আর বারবার রাষ্ট্র ক্ষমা করে দেবে? এটা তো আসলে দুঃখজনক। তদন্ত করার ক্ষেত্রে মানবাধিকার কমিশন কাজ করতে পারে। কিছুদিন আগে কিন্তু কোর্ট একটা বিষয়ে তদন্ত করার ভার তাদের ওপর দিয়েছিল। তারা বিভিন্ন সংস্থার সাহায্য নিয়ে এ কাজটা করতে পারে। তারা বিভিন্নভাবে পুলিশকে সহায়তাও করতে পারে। তদন্তের দায়িত্বটা আমার মনে হয় রাষ্ট্রের হাতেই থাকা উচিত। তা না হলে দেখা যাবে সবাই আইন নিজের

দেখেন, ইন্দিরা গান্ধী, রাজীব গান্ধী, সোনিয়া গান্ধী, রাহুল গান্ধী। পারিবারিক ধারা। অবাক লাগে আসলে। কংগ্রেস ষাট বছরের পুরোনো একটা পার্টি, তারাও আত্মীয়তা থেকে বের হতে পারছে না। বাংলাদেশেও তাই ঘটছে। আমাদের রাজনীতি আসলে ফ্যামিলি বেজড। যার জন্য এর সঙ্গে নারীর ক্ষমতায়নের কোনো সম্পর্ক আমি দেখি না।

কাগজ : আমাদের নারীরা পরিবর্তনটা আসলে কীভাবে আনতে পারে?

হামিদা হোসেন : পরিবর্তন যে আসছে না তা নয়। অনেক ক্ষেত্রে কিন্তু পরিবর্তন এসেছে। চল্লিশ বছর পূর্বের অবস্থা আর বর্তমান অবস্থার পার্থক্য লক্ষ্য করলেই

পারিবারিকভাবেও সম্পর্ক উন্ময়ন করতে হবে। এ ক্ষেত্রে আইন ভূমিকা রাখতে পারে। আমরা নারী সংগঠনগুলো কোনো আন্দোলন করতে গেলেই আগে বলি আইন চেঞ্জ করতে। এটিরও প্রয়োজন আছে। আইন যদি থাকে, তাহলে সে বিষয়টিতে আন্দোলন করা সহজ হয়।

কাগজ : নারী মুক্তির যে আন্দোলন কিংবা নারীর অগ্রগতির যে আন্দোলন আপনারা করছেন, সেখানে রাষ্ট্র কি কোনো সহায়তা করছে আপনারদের? হামিদা হোসেন : না। সেভাবে করছে না। আসলে রাষ্ট্র তো ব্যাপক একটা প্রতিষ্ঠান। এখানে সবাই একই নীতি অনুসরণ করবে, সেটা নয়। আমাদের খুঁজে নিতে হবে। আমাদের সঙ্গে কারা



আমাদের দেশের ক্ষেত্রে এটা আসলে পারিবারিক কারণে হয়েছে। রাজনীতি এখানে আত্মীয়তার বন্ধনে বাঁধা পড়ে আছে। এটা শুধু বাংলাদেশেই হচ্ছে না। ইন্ডিয়াতে দেখেন, ইন্দিরা গান্ধী, রাজীব গান্ধী, সোনিয়া গান্ধী, রাহুল গান্ধী। পারিবারিক ধারা। অবাক লাগে আসলে। কংগ্রেস ষাট বছরের পুরোনো একটা পার্টি, তারাও আত্মীয়তা থেকে বের হতে পারছে না। বাংলাদেশেও তাই ঘটছে। আমাদের রাজনীতি আসলে ফ্যামিলি বেজড। যার জন্য এর সঙ্গে নারীর ক্ষমতায়নের কোনো সম্পর্ক আমি দেখি না

হাতে তুলে নিচ্ছে কিংবা অপব্যবহার করছে।

কাগজ : এবার একটু অন্য প্রসঙ্গে আসি। নারীর ক্ষমতায়ন আমাদের দেশে কতটা হয়েছে? আমাদের দেশের দুই প্রধান দলের নেত্রী নারী, এটা নারীর ক্ষমতায়ন কি না...

হামিদা হোসেন : আমি কিন্তু কখনোই এটাকে নারীর ক্ষমতায়ন বলি না। কোনো নারীই বলে না। কিছু পুরুষ আছে তারা বলে। আমাদের দেশের ক্ষেত্রে এটা আসলে পারিবারিক কারণে হয়েছে। রাজনীতি এখানে আত্মীয়তার বন্ধনে বাঁধা পড়ে আছে। এটা শুধু বাংলাদেশেই হচ্ছে না। ইন্ডিয়াতে

সেটা বোঝা যায়। আর কোনো পরিবর্তনই তো সহজে আসে না। আমরা সব সময়ই নারী-পুরুষের সম-অধিকারের কথা বলি। এটা কিন্তু কোনো পুরুষ সহজে চাইবে না। পরিবারের উদাহরণ এখানে দেওয়া যেতে পারে। নারী-পুরুষের সম-অধিকার মানে পারিবারিক ক্ষেত্রে ক্ষমতার একটা ব্যালেন্স। কিন্তু যে পুরুষ এত দিন বেশি ক্ষমতা ভোগ করে এসেছে, তিনি তো চাইবেন না অন্য কেউ তার সমান কর্তৃত্ব করুক। পরিবর্তনের জন্য লেগে থাকতে হবে একাগ্রচিত্তে। আমরা শুধু বাইরে থেকে, সংগঠন থেকে, রাস্তাঘাটে বলব আর চেঞ্জ আসবে, তা কিন্তু নয়। এ জন্য

আছে, কারা প্রগ্রেসিভ এবং সম-অধিকারে বিশ্বাসী। সরকার বলেন কিংবা বিভিন্ন রাজনৈতিক দল বলেন, সবারই তো আসলে নিজস্ব কিছু চিন্তা আছে। সবাই তো একদিকে যেতে চাইবে না। আমাদের আন্দোলনটা আসলে অর্গানাইজড একটা আন্দোলন। অনেক ক্ষেত্রেই দেখা যায়, সব নারী সংগঠন, মানবাধিকার সংগঠন, কালচারাল সংগঠনগুলো একত্র হয়। আমি মনে করি আমাদের সবার প্রচেষ্টার ফলে ক্রমে ক্রমে, খুব নীরবভাবে একটা পরিবর্তন আসছে।

কাগজ : আপনাকে অনেক ধন্যবাদ। হামিদা হোসেন : ধন্যবাদ।